



Universitätsbibliothek Paderborn

Liber De Prudentia Ivstorvm

Juan <de Jesús María>

Coloniae Agrippinae, MDCXIV

Cap. VI. Hortatur ad pænitentiam.

[urn:nbn:de:hbz:466:1-46940](#)

micos meos recipiam, & amplectar.
Sinite ergo ad amorem meum, quo so-
lo viuitur, faxa corda vestra moueri.

CAP. VI.

Hortatur ad penitentiam.

TAM graue peccati malum est, cha-
rissimi filij, vt si fieri posset pæni-
teret me fecisse hominem, quem for-
maui. Pugnat enim cum infinita boni-
tate, & puritate mea, & Maiestati meæ
viliſſimas creaturas anteponit. Obstu-
pelcunt cæli super hoc, & eius portæ
desolantur vehementer. Peccata enor-
mia multiplicantur super numerum a-
renæ maris: & filij, quos exaltaui, & e-
nutriui, spreuerunt me. Quid dicam
vobis? quid faciam generationi vestræ,
quæ ad misericordias meas obduratur?
Certè, si inimici mei, qui falsos deos
colunt, maledixissent mihi, sustinuisse
vtique: & propter ignorantiam, quo-
dammodo illos excusassem. Vos autē,
quibus illuxit formosa valde lux Euā-
gelij mei, excusationem non habetis
de grauissimis peccatis, quibus irrita-
stis me. Viri Niniuitæ surgent in iudi-
cio,

cio, cum generatione hac ingrati populi mei; & comparatione illorū, qui ad prædicationem Ionæ pænitentiam egerunt, damnabuntur multi filij regni, & æterna excommunicatione ejicientur in tenebras exteriores. Inspirationes quippe filij Dei post tergū momentis, & ad pacem, & reconciliationē corde mitissimo inuitantis, repulerūt. Nunc ergo vos, filij infinitum numerum stultorum impænitentium ne sequamini, sed reuertimini ad cor. Accedite ad me de tenebris, & vmbra mortis, & candidissima luce gratiæ illuminamini: & facies vestre non confundetur. Lugete fletu magno, vt doleri solet in morte primogeniti, quia venundaci estis, vt faceretis malum, & balneo lachrymarum corda vestra lauate. Ne differatis vano consilio pænitentiam: iuxta enim est dies perditionis, & adesse festinant tempora. Videte, quid feceritis, dulcissima amicitia mea dissoluta, æternæ consolationis iure amitto, & sempiterni cruciatus reatu incurso. Venenum peccati festinat in mortem; festinate
vos

vos per intimum dolorem , & sacra-
mentorum remedium, ad vitam gratiæ
preciosissimam, iucundissimamque re-
surgere.

C A P. VII.

Hortatur ad amorem proximi.

RECORDA MINI, filij, noui ac
dulcissimi testamenti mei, quo-
modo cum dilexissem meos, qui erant
in mundo, in finem dilexi eos: & ne o-
bliuiscamini signi amoris mutui, quo
volui cognosci discipulos , & amicos
meos. Mandaui tempore incolatus
mei , & nunc per frequentissimas in-
spirationes idem repetens, hec mando
vobis, ut syncerissimo amore diligatis
inuicem, sicut dilexi vos. Sanaui infir-
mos vestros: erexi languidos, afflictos
consolatus sum: cum ijs , qui oderunt
pacem , fui pacificus: publicanos, &
peccatores amantissime recepi: vilita-
tem, & rusticitatem non exhorri: om-
nibus omnia factus sum: nec ullo tædio
laffatus, exclusi aliquem à suauissima
conuersatione mea. Quare ergo serui
mei , qui videntur supra modum Apo-
stoli,